



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

mane discutienda, die Veneris vigesima-nonâ mensis Maii,
anno Domini M. DCC. LXXVIII.

JOANNE - JACOBO NOLLAN,
Doctore Medico, Præside.

De variorum Liquorum Vinosorum diætetis proprietatibus.

PER univèrsum ferè terrarum orbem, homines naturâ propulsi potus quæ-
siverunt qui vires aut labore, aut ætate, aut morbo fractas excitarent, mentem
pacarent miseris circum volventibus turbatam, & animis dejectis hilaritatem
conciliarent; nimis sæpe voluptati indulgentes insidiosæ & bonis abutentes!

Cum plurimi sint liquores vinosi variis præditi dotibus, non abs re erit con-
siderare principia quibus judicari possunt à Medico, & eorum usum dirigi. Hæc
paucis attingere mens est. Abundat in naturâ substantia dulcis quæ animalibus
non carnivoris præcipuum alimentum est, quæ magis, aut minus solubilis in
aquâ, illi viscositatem impertit; ex quo caractere mucosum corpus illam cum
chemicis quibusdam dico.

D

Corporis mucosi variae sunt species, quae solutae in aquae quantitate determinata, ex se, aut fermenti ope, facilius, aut difficilius fermentationem subeunt vinosum, omnium facillimè, mustum, sive succus expressus uvarum.

Musto igitur vasis idoneis contento, brevi motus internus excitatur, quo particulae conteruntur: aer fixus qui corporis mucosi compositionem copiosè ingreditur, liber fit & avolat: partes inertes ad superficiem rejiciuntur, ex qua ad imum paulatim delabuntur sub sinem fermentationis. Partes decompositae per affricum, nova contrahunt fœdera, novas patiuntur combinationes: inde nascitur vinum quod separatur à fœcibus, continuante tamen lentâ fermentatione. Hæc sunt in vino principia: 1º. calore leni facile separabilis spiritus ardens: 2º. pars corporis mucosi non adhuc decomposita, sed plus, minùsve immutata. 3. tartarus, sal ex alkali vegetabili & acido peculiari prædominante compositus & jam in musto existens ante fermentationem: 4º. aqua: 5. in vinis præcipuè rubris, pars colorans.

Hæc partes variant maximè in diversis vini speciebus, ut solo palato percipiendum est, & ex his pendent diversitates vinorum & illorum proprietates dieteticæ.

Spiritus ardens copiosè educitur ex vinis quibusdam, parçè ex aliis. Sic Neumannus ex vini malvatici libris duabus obtinuit uncias quatuor spiritus vini rectificati; ex eadem quantitate vini alicanti uncias tres, drachmas sex, dum ex Hispanici vini libris duabus, dumtaxat unciam unam. & drachmas duas eduxerit (1) Hoffmannus multò majorem habuit spiritus quantitatem ex vino Hungarico quam ex Burgundico, ex isto, quam ex Rhenano, ex Rhenano quam ex Francenico (2).

Vina quæ magnam quantitatem spiritus continent maxime calefaciunt; temperamentis prurulentis: cachecticis conducunt; sed his ipsis moderatus eorum usus esse debet. Facile inebriant, deficiant juvenibus infensa, cutem deturpant, *vultu ipso mores incusante*, ait celeberrimus Lorry (3), *quo piaculo immunes sunt leves vinorum species, peccant verò plurimum quæ generosiora sunt.*

Mucosa pars præcipuè laporem vinis impertit, acerbâ vel dulcis, in acidum plus minusve prona; hæc artificialiter adaugetur vel evaporatione partis aquosæ, vel additione musti evaporati, ut fit in Italiâ *vino cotto* nec non in Hispaniâ, vel deficatione uvarum, ut Hungaricorum morem esse nos docet Hoffmannus (4) hoc principium, si copiosum sit, nutritivam, ac corroborantem vim conciliat vinis quæ plerumque difficilius transeunt in acidam fermentationem; Hispanica & Hungarica in exemplo esse possunt. Hæc vina igitur conveniunt temperamentis debilibus quæ nutritione & corroboratione egent, ac præcipuè acido laborantibus, nec non ætate proventus.

Gelu possunt concentrari spiritus & pars mucosa, experimento jam Paracelso cognito, sed accuratius à Stahlîo instituto. Hoc artificio possunt generosissima reddi vina & maxime durabilia (5) Pro tartari quantitatæ magis aut minis aperitivum est vinum; undè vina tartaro referta, & illa quæ mucosâ parte donantur

(1) The Chemical Works of Caspar Neumann, abridged and methodized by William Lewis, p. 447.

(2) Observ. Phys. Chem. lib. 1.

(3) De morb. cutan. pag. 40.

(4) Loc. cit.

(5) Observat. select. Phys. Chem. Medic. &c. Mem. Octob. cap. 5.

acidulâ conveniunt obesîs hominibns, sicut maximè temperant, juvenes minus calefaciunt, urinas & transpirationem cient; *vina acida frigefaciunt & attenuant & humectant* (6). per alkalia, per ferrum, per præcipitata mercurii aut ejus calces facile possunt medicata reddi. Cum vina corruptioni & putridis morbis resistat (7), debent hæc præ aliis illâ proprietate prædita esse. Pars colorans ex pelliculâ uvarum motu fermentativo plerumque separatur & solubilis redditur. Sunt uvæ quæ in interiori eam possident. Eâ non omnino carent substantiâ vina alba quædam, cum teste Hoffmanno, *in vinis v. g. Rhenano & Francico, oleo tartari per deliquium, vel spiritu salis ammoniaci affusis, flavus color in brunnium degeneret* (8).

Hæc substantia fermentationis progressui resistit, ita ut, cæteris paribus, diutius servari possint, & securius ultra maria devehî vina quæ majori hujus quantitate prædita sunt: hæc adstrictione quâdam donatur & inde in vinis rubris residuum, destillatâ spirituosâ parte, multò acerbius est quam in vinis albis. In laxioribus igitur fibris profunde vina coloris intensi, evacuationibus nimis moderandis idonea sunt, stomachis proficua aciditati pronis aut morbo debilitatis, maxime si unâ adsit copiosa mucosa pars.

Potest aer fixus retineri in vino aut rursus generari per additam substantiam fermentescibilem eodem soctam, & proinde vina facilius inebriant, stomachum aliunde & alia viscera corroborant, urinas cient.

Hujus principii non absurdum sibi efformarunt ideam prisca in arte magistri. Illud dicit Boerhaavius spiritum subacidulum, acrem, mire elasticum (9). Præcipuas ex illo principio thermarum & acidularum aquarum virtutes deducit Hoffmannus, quo si per calorem & aeris liberum accessum privantur, mox earum salubris virus expirat, ac elanguescit: Simili ratione spiritus ille aereo-elasticus in vinis impellit & promoveat non modo solidorum, sed & fluidorum motum, fibrasque motrices ad blandas contractiones animat (10). Stahlus illud confert cum halitibus carbonum & ex aliis corporibus accensis sese extricantibus, quos percipit in novis denuo mixtiones compingi, & ex quibus verosimillimum invenit venerandus vir, haurire nutritionem refiniferas arbores in sabulo puro crescentes: ex illo principio compresso in vinis & cerevisiis, hos liquores spumescientes esse dicit & generosiores: concludit substantiam illam quæ summâ suâ mobilitate elasticâ aerem mentitur, nequaquam ita simplicem & purum aerem esse, sed potius pinguedinis vegetabilis tenuioris portionem, seu de mixturâ ipsâ pinguedinis (11).

Fermentationis spirituosæ aliud est productum Cerevisia, Egyptiorum inventum: ex diversis præparatur farinaceis seminibus: sed cum farina horum seminum minime ex se solubilis sit in aquâ, necessaria est germinatio, quâ præviâ, hæc solubilis evadit, mucosi corporis omnes proprietates adepta, dulcis nempe, fermentationi vinosæ idonea, mediante tamen fermento.

Constat cerevisia 1°. corpore mucoso ex variis seminibus desumpto, plus minusve immutato: 2°. parte spirituosâ: 3°. aquâ: 4°. parte extractivâ lupuli aut

(6) Hyppoc. de Diet. lib. 2.

(7) Pringle, Malad. des Arm. t. 2. p. 167.

(8) Loc. citat.

(9) Chem. tom. 2, pag. 111.

(10) Observ. Phys. Chem. p. 80.

(11) Zymotechn. cap. 10.

additorum aromatum; ex his insignitæ sunt discrepentiæ inter cerevisias respectu saporis, odoris, consistentiæ, virtutis.

Tanta est cerevisiarum discrepantiæ respectu quantitatis spiritus inflammabilis, ut Neumannus in aliquibus generosis cerevisiis drachmas decem spiritus inflammabilis ex libris duabus obtinuerit; ex aliis verò communibus duntaxat drachmas tres. Pars mucosa etiam maxime variat in cerevisiis: ex quarundam libris duabus habuit idem illustris Chemicus solidæ materiæ uncias quinque, dum aliæ supeditabant tantum unciam unam & drachmas tres (12). Celebrerrimus Rouelle ex duabus libris cerevisiæ parisiensis obtinuit uncias quatuor residui consistentiæ electuarii præditi, cujus wortæ (decoctum) illi præbuerat uncias sex.

Hæc pars in cerevisiis semper acidula est ex Neumanno, etiamsi ob lupulum sensu non percipiatur: examinavit cerevisias quarum libræ duæ saturabant drachmas quatuor grana quadraginta-quatuor. Eadem quantitas cerevisiæ quæ omnium minime acida fuit, saturavit tamen hujus salis drachmam unam grana duodecim; ad salubritatem hujus partis cerevisiæ multum conferre videtur sufficiens wortæ coctio: *insufficientem decoctionem nos expendere cogimur noxiis flatibus distendentibus, debilitato ventriculo, depravatâ digestionem, asthmate ac peñoris oppletionem, aliisque incommodis quæ ab hujusmodi reportamus haustâ cerevisiâ* (13). Etiam ope gelu sublatâ aquâ generosissimam reddidit cerevisiam Stahlius.

Lupuli quantitas, & coctionis modus varietates quoque magnas in cerevisiis afferunt.

Cerevisia aere fixo imbuta, Anglis *bottle beer* dicta, ab hoc principio, ut vinum, proprietates mutuatur. Ex his paucis apparet quantâ cum cautelâ tentandæ sint Medico cerevisiæ, antequam earum sum suadeat. Quæ tenuis & diluta est, etiam febricitantibus ex bidhenamio (14) propinanda est. Quæ generosa est, calefacit, nutrit, corroborat, qualis celebris Muna Brunsvicensis quam ad vires reparandas maxime laudant Swietenius, & alii clinici. Cerevisiæ quæ aromatis condiantur, ut apud Germanos mos est, nisi prudenter utantur ex proposito conficiuntur à Medicis facile repudiandæ sunt (15). Videntur autem omnes cerevisiæ pueris non propinandæ, neque illis in quibus aciditate labor t stomachus.

Vino ex succo prunorum & prorum præparata, siceræ nuncupata, possunt tum sapore, tum sanbritate præstare utia esse: *ex piris muscatellinis vinum cum malvatico ubi late cereans & ex pomis bistorfianis productum vinosum cum neccarano suavitate multum conveniens interdum præparari certum est* (16).

(12) L. c. citat.

(13) Urban. Hierne act. Chemic. tom. 2, p. 182.

(14) Oper. p. 38.

(15) Circa aromatum virtutem calefacientem difficilis est quam vulgò existimatur, indicium proferre: attamen nimis ex sapore quam ex odore vis calefaciens illis adscribenda esse videtur ex Hoffmanno, (Oblerv. Physico Chem. p. 3.) ita ut aromata fragrantia quemadmodum cataphylli & cinnamomum, oleum acius suppedient per destillationem & magis calefaciant quam zingiber vel piper. quæ odore fere vacant: imo ista posteriora ab aliquibus etiam higefacientia censentur: indi quos Boncius saluti maxime ciosos esse dicit, & piperis magnâ quantitate uti, ab illo refrigerium prodici existimant: ea est etiam opinio Neumanni, ex pipere deglutito tantum abest ut æstus in ventriculo perceptor doctissimus Gaubius, ut etiam repetito sæpius experimento: visus fuerit aliquando frigiditatem quandam intus sentire; ex eodem nec paucio comesto nunquam animadvertit pulsus suum excitari, cateroquin valde mobilem ad stimulos calefacientes. (Advers. var. argum. p. 73.)

(16) Junker, consp. Chem. tom. 2, p. 493.

Sicera ex pirorum succo, *le poiré*, si ritè conficiatur, præcipuè maximam cum vino uvarum similitudinem habet, ex eo quod tartarum & quidem copiose contineat, uti observavit peritissimus Rouelle, etiam in succo pirorum non fermentato, ita ut chemicè encheïresi aliquando detegi non posse videatur, aliter sentientibus claris viris, pirorum siceram inter & verum vinum differentia.

Non inde timeamus ne pro vero vino vendatur liquor tam similis: quid intoret, si salubritate, si suavitate æquet vinum? cur uvas pomis & piris præstantiores judicaremus nos Medici?

Existit in quorundam mente præjudicium adversus hunc liquorem; sed in Provinciis pluribus Gallie & Angliæ innocui est usus, & si alicubi nocivus observatus fuerit, maximâ curâ perpendendum est, num fraudulenter plumbo dulcis reddatur qui acieitate frequenter peccat, & num plumbum adhibeatur in prelis aut in vas quæ ejusdem confectiōni ac conservatiōni dicantur: ex hoc enim fonte probavit doctissimus Baker teatire mala endēmia quorum ignorabatur causa (17), & ad hæc etiam in aliis vinis attendendum est.

Sed cum sicera plerumque minis generosa sit quam vinum, cumque ad acieitatem facile vergat, commendanda præ vinis est juvenibus, biliosis, sanguineis.

Methum, seu mulsū, seu hydromel vinosum in Livoniâ, in Poloniâ & aliis quibusdam regionibus in usum venit. Mellis usum magni faciebant veteres: *Multi*, inquit Plinius, *senectam longam mulli tantum nutritu tolerare, neque ullo alio cibo celebri Pollionis Romuli exemplo quem centesimum annum excedentem cum divus Augustus interrogaret quānam ratione maxime vigorem illum animi corporisque custodisset, ille respondit: Intus mulsio. foris oleo* (18). Democritum similia respondisse aiunt interroganti quā ratione homines vitam diuturnam degere possent: *Si corpora exteriora oleo, interiora autem melle inungerent*. Extrâ dubium est igitur saluberrimum nec non gratissimum potum constituere posse mulsū: notante Plinio, *vet. state saporem vini assequitur* (19). Differenti reperitur sapore ac virtute pro ratione qualitatis mellis, ipsius quantitatis relativè ad aquam adhibitam, pro ratione præparatiōnis, additorum aromatum & vetustatis.

Plurimæ existunt bæccæ quæ succum præbent ex quo fermentatiōnis ope præparari possunt potus vinosi, qualia sunt cerasa nigra, rubi idæi, fragariæ, ribes, bæccæ juniperi, &c. à ribe fructu rubro vinum non ingratum præparavit urbanus Hiernæ additâ fermentatiōnem facile subire valeret; itaque hoc sale saturavi aquam quæ acquisierit dulcem & gratum saporem: hanc exposui per mensem circiter calorē solis æstivi; sed nullo modo

Ex saccharo generosissimum liquorem vinosum confici posse omnibus notum est (22) qui tamen fragrantia vini careat per addita alia introducenda, præcipue

(17) An inquiry concerning the cause of the endemial colic of Devonshire. Medical transactions. Vol. 1. p. 175. *ibid.* p. 257. vol. 2. p. 419.

(18) Plin. natur. Hist. lib. 22. cap. 24.

(19) *Ibid.* lib. 15. cap. 17.

(20) *Loc. cit.*

(21) Der Physischen Chemie von Gotschalt, Wallerius, &c. ins deutsche übersetzt von D. Christ Andr. Mangold. p. 356.

(22) Waller. *ibid.* Urb. Hiern. tom. 2. p. 188. Bech. Phys. Subter. Cum sal lactis eadem præbeat producta in analysi per ignem ac saccharum. (Journ. de Médec. Mars 1773.) Tentavi num etiam fermentatiōnem facile subire valeret; itaque hoc sale saturavi aquam quæ acquisierit dulcem & gratum saporem: hanc exposui per mensem circiter calorē solis æstivi; sed nullo modo

per additos succos fructuum enumeratorum; ex miscelâ enim horum fructuum cum saccharo aut melle gratissimi & saluberrimi possunt præparari potus vinosi.

Hic verba non faciam de spirituosius quibusdam liquoribus rarioribus & parum cognitis, quales sunt qui præparantur ex palmarum quarundam succo (23), ex orizâ, ex granis mays, ex cassavæ farinosâ radice. ex patatas, ex lacte equino (24).

Vinosi liquores varias ab ætate subeunt mutationes & variis obnoxii sunt corruptionibus & mangoniis quæ à Medicis apprimè æstimanda forent. De his nimium obscuris quædam consideremus in vino proprie dicto. Fermentationis primo impetu refrænato, vinum in cadis excipitur ne effugiat efformata spiritui: sa pars; aliquandiu tamen pergit fermentatio quâ adaugetur quantitas spiritus, aer fixus adhuc extricatur, & dulcior redditur mucosa pars; hæc per aliquot menses durat plus minusve secundum gradum caloris loci, naturam vini & communicationem cum aere externo, & tandem desinit in fermentationem omnino insensibilem. Eâ periodo quâ terminatur prima fermentatio, tunc maxime viget vinum; maximâ enim quantitate spiritus scatet, acerbiter plerumque adhuc conservat quâ constringuntur laxiores stomachi & intestinorum fibræ, mucosi corporis copiosâ parte gaudet quâ nutrit; sed si ve avolet, invitis cautionibus spirituosâ pars, si ve reactione aliarum partium & temporis magis ardeant, minorem quantitatem spiritus, nec non materiæ mucosæ arte chemicâ obtineri; pars ipsa colorans partim sese præcipitat, partim alteratur & destruitur, & tandem vinum generosum vappidum evadit, si prius in eo non excitetur fermentatio acida.

Debilibus igitur, causariis, senibus, cachecticis laudanda sunt vina acerbâ & recentia (25) quæ nihil amiserunt; in ulu verò vitæ communis anteponenda sunt

immistata fuit: prout evaporabatur liquidum, crystallos efformabat sal immutatum. Ex hac ad fermentationem, tum spirituosam, tum acidam inaptitudine, suspicor in hoc sale seu potius saccharo validam esse vim antisepticam, nondum insituito experimento.

(23) Arbores plures, hebulæ v. g. effundunt eum in Europâ succum qui saccharinum substantiam continet fermentationi vinosæ idoneam. Kalm. in succ. transact. ad annum 1751 & 1754.

(24) Gmelin, Voyag. en Sibér. Lac equinum sine fermentationis ope inebriare confirmavit Gmelin, immortal. Hallero. Elem. Phys. tom. 7. part. 2. p. 37.

De fermentatione lactis sequentes mihi communicavit celeberrimus mihiq. maxime colendus d'Arcet observationes quas ex Russia habuit. Excipitur lac equinum in utre ex pelle equinâ confecto cum vigesima-quarta circiter parte aquæ ebullientis; agitatur hoc nixtum: huic adjiciunt cytus sacum hydromelis vinosi per forisurum framenti manipulum coagularum; pannis lencis involvitur uter: post quadrantem horæ jam possunt uti liquore fermentato quem *comis* vocant: quotidie addunt lac & aqua calida, usque dum comis spirituositas debilitari persentiat.

Calnuccentes lac equinum & vaccinum ad hanc operationem miscunt.

Tartari adhuc consuevit spirituosum liquorem, fermentationem excitando in lacte cum melle, piri, vel cerasis mixto: hunc potum dicunt *craine*.

Proprietatem fermentescibilem lactis apud has gentes deducit ingeniosus observationis auctor, ex lactis paucis quibus harum gentium continuo peregrinantium vescuntur pecora: existimat substantiâ fermentescibili gramini succulentorum turgete hoc lac: observat per æstatem solam spirituosos liquores ex lacte posse præparari; sed ubi herbe desiccantur necessario adhibendam esse orizâ farinæ parvam quantitatē quâ mediante in cæteris regionibus ex lacte, ut expertus est, possunt quoque confici liquores fermentari, qui deinde destillatione spiritum ardentem effundunt, saporis tamen discrepantis à spiritum ardenti vini.

Addit in hoc ordine fermentescibiles esse lactis species: lac cameli, equinum, asinum, postea vaccinum: lac ovæ & capræ parvam quantitatem spiritus suppeditant.

(25) Boer. de Cognos. & cur. morb. aph. 28.

vina quorum vetustate fracta est vis acerbæ & spirituosæ & imminuta est quantitas corporis mucosi suavioris redditi.

Vini correptiones locum habent vel in musto ante fermentationem vel in vino jam producto.

Ut vinum generosius producatur musti minuitur pars aquosa per evaporationem, vel per desiccationem uvarum vel istius adaugetur mucosa pars per additum mustum evaporatum ut dictum est. Musti & vini corriguntur acerbitas, aciditas & fatuitas variis mediis.

Uvarum immaturarum succum ita corrigi posse saccaro ut inde fiat vinum generosum & suave nuper experimentis luculentis in aprico posuit celeberrimus Macquer; melle addito aut succo fructuum quorumcumque dulcium qui etiam, frambæiarum exemplo fragrantiam jucundam addere possunt id pariter præstari posse manifestum est, & quidem innocue, sed in vinis fermentatis hæc non possunt adhiberi, quia novam fermentationem facile excitant; illis verò possunt addi vel mustum evaporatum, vel succi fructuum evaporati in consistentiam à Pharmacopœis electuarii dictam; tunc enim fermentationem difficillime patiuntur; an idem dicendum sit de melle cocto me latet; sed saccarum fermentescibilem naturam non videtur facile amittere coctione & evaporatione. *Quoties*, inquit Boerrhæve, *contigerat fermentabilia nimis acida obflare suæ fermentationi, visum tum fuit admitti pauci alkalini prudenti facilius induci hanc operationem rursusque si forte sub putridi quid oriretur in fermentabili materie, tum parca solertique immixtione acidi restituebatur amissa fermentandi aptitudo* (26).

In quibusdam Gallie Provinciis immaturarum uvarum corrigunt aciditatem calcis parvam quantitatem in mustum projiciendo.

In vino adhiberi quoque possunt alkalia & terræ calcaris, modo tam modica sit aciditas ut horum parvâ quantitâte possit corrigi; aliter aceto conficiendo destinandum est vinum; hæc enim additione ejus alterantur color & sapor. Correctio per terram calcariam postponenda est, quia vinum ad putredinem celeberrime ducere videtur, ut admonet celeberrimus Macquer (27). Alteratio per terram calcariam facile cognosci potest addito sale alkali quod illam præcipitat: huic obnoxie sunt siceræ (28).

Nimis notum est plumbum aciditatem corrigere & vinis jucundum saporem conciliare. Hoc mangonium facile detegitur mediis vulgo ipso notis.

Spirituosa pars aliquando superadditur vino; sic sæpissime conficiuntur vina quæ dicuntur de *liqueur* ex vinis mediocribus, saccaro & spiritu vini, additâ etiam parvâ quantitâte aromatis cujusdam; insalubre censeo mangonium & damnum; nam sublatâ connexionem naturali cum aliis principiis per distillationem acrior evadit spiritus vini, cum illis rursus unionem non contrahit, fibras humanas magis desiccet & nervosum systema vellicet. Hanc mixtionem facile detegi posse autumo, si in alembico minimo & caloris gradu lenissimo desillemus portionem vini quod suspicamur: si primæ guttæ quæ stillant sint valde spirituosæ, tunc certum erit spiritum segregatum jam existere in vino & fraus postea fuisse additum; si verò primæ guttæ sint aquosæ, tunc vino non adjectus erit spiritus.

(26) Chem. tom. 2. p. 109.

(27) Dict. de Chim. vocab. vin.

(28) Cl. la Folie, Journ. de Physiq. Mai 1775.

Color vino etiam adjicitur; ad hoc propositum vulgò adhibetur vinum saturatissimum, quale est vinum uvarum interius coloratarum Cadurcense, & Ruscinenſe v. g. aliquando adhibitæ fuerunt bacca sambuci fragrantis aliquid spirantes, & in his nihil damnandi invenio.

DOMINI DOCTORES DISCIPLINÆ MAGISTRI.

M. Guillelmus - Josephus DE L'EPINE, Antiquior Scholarum Magister, Antiquus Facultatis Decanus, Academicæ Censor.

M. Carolus GEILLE DE ST-LEGER, Eques, Consiliarius Medicus Regis ordinarius, primi ordinis & totius Equestrîs agminis in exercitu Medicus primarius.

M. Alphonſus-Vincentius-Ludovicus-Antonius LE ROY.

DOMINI DOCTORES DISPUTATURI.

M. Joannes - Matthæus DE FRASNE, rei Herbariæ Professor designatus.

M. Joannes-Carolus DE BROTONNE.

M. Claudius - Franciscus GRANDCLAS, Eques, Stanislaï I, Poloniarum Regis, olim Consiliarius Medicus & Regiorum Exercituum à Consiliis Medicis.

M. Joannes - Baptista JUMELIN.

M. Jacobus - Ludovicus AZLEAUME, Facultatis ex-Decanus & Militarium Noſocomiorum ad Regis Exercitum, necnon in Insulis Americanis nuper Medicus Regis.

M. Joannes-Franciscus-Clemens MORAND, Eques, in Regiâ Scientiarum Academiâ Pensionarius ordinarius, in Regiâ Invalidorum domo Antiquus Coadjutor Medicus.

Proponēbat Parisiis CLAUDIUS - LUDOVICUS BERTHOLLET, è Diœcesi Genevenſi, Saluberrimæ Facultatis Medicinæ Parisiensis Baccalaureus, Theſeos auctor. A. R. S. H. 1778.

A SEXTA AD MERIDIEM.